



# САМУРДИН

## ссс

«Магъарамдхуьруьн район» МР-дин  
общественно-политический газет.  
Общественно-политическая газета  
МР «Магъарамкентский район».

Газет 1951- йисалай акъатзава. № 49 (7765) киш, 21- ноябрь, 2015- йис. Къимет 6 манат.

МР-дин АДМИНИСТРАЦИЯДА

## ХАТАСУЗВАЛ ХУЬНИН МУРАДДАЛДИ

16-НОЯБРДИЗ райондин администрациядин заседанийрин залда къайда хуьзвай органрин, хуьрерин администрацийрин кылерин, школайрин директоррин, диндин векилрин ва са жерге идарайрин руководителрин иштираквал аваз МР-дин терроризмдиз акси комиссиядин гегьенш заседание кыле фена .

Заседание «Магъарамдхуьруьн район» МР-дин кыл Агьмедов Фарид Загьидиновича ачухна ва кыле тухвана. Заседаниедал РФ-дин гьукуматди международный терроризмдихъ галаз женг члугун ва гражданвилин общество арадал гьун патал къабулзавай серенжемрин, и рекъай чкадин самоуправлениедин органрин вилик эцигнавай месэлайрин, терроризмдин идеологиядиз акси гьерекат тухузвай рабочий дестейрин кваллах гужлу авунин гьакьиндай месэлайриз килигна.

Заседаниедал рахай МР-дин общественный советдин председатель А.Нагьметуллаева, жегьилрин парламен-

тдин председатель Д.Исаева, РД-да авай РФ-дин ФСБ-дин пограничный управлениедин начальник В.Варыча, Россиядин МВД-дин Магъарамдхуьре авай отделдин начальникдин заместитель М.Эминова, Магъарамдхуьруьн мискиндин имам гьажи Муьмина, ОТК-дин председатель З.Азимова терроризмдин хаталувал чи уьлкведани авайдакай, района терроризмдиз акси яз тухузвай кваллахдикай гегьеншдиз лагъана ва виридаз и тегъуьндихъ галаз женг члугуниз эвер гана.

Эхирдай кьиблепатан территориальный округда тамам ихтиярар ганвай Дагъустан республикадин кылин векил М.Велимурадова ва райондин прокурор М.Къзагьмедова и жигьетдай тухванвай кваллахдин нетижаяр кьуна ва арада амай са жерге кимивилер акъудун патал кваллах гужлу авуниз эвер гана.

Заседаниедал гъалай месэлайрин гьакьиндай махсус къарар къабулна.

**А. АЙДЕМИРОВА.**

2016 -  
ЙИС ПАТАЛ

# САМУРДИН

## ссс

ГАЗЕТДИН  
ПОДПИСКА  
БАШЛАМИШНАВА

\* \* \*

**ИНДЕКС:**  
6 вацра - 51406  
12 вацра - 63340

**Г А З Е Т**

райцентрдал почтамтда,  
хуьрера адан отделенийра  
подписка ийиз жеда.

\* \* \*

**ГАЗЕТДИН КЪИМЕТ**  
6 вацра - 141 манат  
12 вацра - 282 манат



— КОНКУРС —

# «Дагъустандин малим- 2016»

БАЖАРАГЪЛУ малимар ашкара авунин ва гъевесла-мишунин, абурун тереф ху-нин, педагогрин социальный статус ва малимвилин зегъ-метдин кесерлувал хкажунин, райондин лап хъсан малим-рин педагогвилин тежриба раиж авунин мураддалди Цийи хуьруьн А. Исмаилован тварунихъ галай СОШ-дин базадал са гъафтеда респуб-ликадин «Дагъустандин ма-лим-2016» конкурсдин муниципальный этап кыле фена.

Конкурсада 7 школадай малимри иштиракна. Ам къуд этапда кыле фена.

Конкурсдин иштиракчий-рин материалриз ва кваллахриз къимет гуналди журиди тайинарна:

**1- чка- З.Адиловадиз,** Гъепецегърин Т.Нагъиеван тварунихъ галай СОШ-дин сифтегъан классрин малим-диз.

**2-чка- Н. Сейидовадиз,** Хуьрелприн СОШ-дин ИЗО-дин малимдиз.

**3- чка-Р.Жафаровадиз,** Целегуьнрин СОШ-дин сифтегъан классрин малимдиз ва **А. Казимовадиз-** Самурдин СОШ-дин урус члалан ва ли-тературадин малимдиз.

**Гъалиб хъайибур яз гъи-сабна:**

«Тежриба ва устадвал» номинациядай- **Ф. Эседул-лаева,** Магъарамдхуьруьн 2-нумрадин СОШ-дин ИЗО-дин малим.

«РикI аялриз гузва» но-минациядай – **Н. Крумова,** Къуйсунрин СОШ-дин сифте-гъан классрин малим.

«Жегъил педагог» номи-нациядай- **Д. Абдурашидова,** Гилийрин СОШ-дин матема-тикадин малим.

Конкурсдин вири иштирак-чийриз УО-дин гъуьрметдин грамотаяр ва пулунин пишкешар гана.

**МАГЪЛУБ ХЪАЙИБУР АВАЧ  
ГЪАР САДА ВИЧИН ГЕЛ ТУНА  
ГЪАР САДАН ТЕЖРИБА  
РАИЖ ИЙИДА**

къейдна «Йисан малим -2016» конкурсдин нетижаяр къадай-ла райондин методикадин ка-бинетдин заведующий Исма-ил Пирмагъамедова. -Са гъаф-теда тухвай кваллахдин нети-жаяр къадай вахт, гъалибчияр



**И. Пирмагъамедова**  
конкурсдин нетижаяр  
къазвай вахт.



**Конкурсдин гъалибчияр**

тебрикдай шад легъзе алу-кнава. И йикъара конкурсдин иштиракчияр хъайи малимри чпин тежрибадикай лагъана, кваллахдин юлдашривай чпиз-ни гзаф хийирлу крар чирна.

Вахтунин куьруьвизни килиг тавуна (конкурс цийи къайдада тухвана) цинин кон-курс неинки адан иштиракчий-рин, гъакI амай малимрини активвилелди иштирак авунал-ди тафаватлу хъана. Конкур-сантри тухвай тарсара жури-дила гъейри 6-8 малимди иштиракна.

Конкурсдин иштирак-чийри чешнедин 7 тарс тух-вана. Вири тарсариз абуру чпи къимет гана. Конкурсдин вири

иштиракчийрин гъахъ-гъисаб-рихъ, чпи гайи къиметрихъ яб акална.

Конкурс адан гъакъин-дай авай положениедин ис-темишунрихъ галаз къадай-вал кыле фена.

Вири малимри-конкурс-дин иштиракчийри тайин хъанвай кIалубдинбур тушир тарсар тухвана. Абурун ара-да тарсар- сиягъатар, тарсар-къугъунар, тарсар-акъажунар, тарсар- махар... авай.

Крумовади, Адиловади, Жафаровади сифтегъан клас-сра тухвай тарсари виридан фикир желбна. ИЗО-дин ма-лимар тир Н.Сайидовадин ва

## УЪМУЪР МУЗЫКА ГАЛАЗ

РЕСПУБЛИКАДИН газетрини журналрин комплексдин залда печатдин йикъаз талукъарнавай межлис кыле физвай. Ина тостар, манияр лугъузвай, кьюлерзавай, оркестрди музыка язавай. Мярекатдин юкьвалай алатнавай. Садлагъана члехи залда зурнедин кьати сес гьатна. Сифте агъайнавилелди башламишна, ахпа устларди туьнт ва зарб макъамрик кекаяна. Залдал акваз акваз звал акъалтна. Майдан кьюлерзавайбурай ацлана. Анал чка гьат тавурбуру гъа чеб алай чкайрал кьюлерзавай. Къад декъикада къван шадвал авур журналистар, печатникар риклера разивилин лишанар аваз ацукъ хъууна.

И мярекатдик ван кутурди, риклер шадвилдин гьиссерив ацурайди, уьмуьр музыкадиз бахшнавай уста хиневиди Давудов Агъмед Яхъевич тир. Агъмед халуди кечирмишнавай уьмуьрдин рехъ гзаф заланди хъанатлани, ам гьар жуьре вакъийралди, къисметралди ва гъалибвилералди девлетлуди хъана. Адан аял вахт залум дяведин йисарал ацалтна. Къвачи бегъем чил къадалди ам етим хъана (буба рагъметдиз фена). Агъзурралди хизанри хъиз, Агъмед халудин хизандини гзаф дар, мишекъат йисар кечирмишна. Са гьал яшар хъайила бубадилаи ирс яз амай кеспи тамамариз (ам серкер тир) лапагар хуьз Азербайжанда, Шекида, Ширванда йисар акъудна. Музыкадал рикл алай жегъилдихъ адан сирерай кьил акъуддай гъевесни авай. Ада зурнечи Зейналавай (Шекида), искусствойрин лайихлу деятель А.Шекилидивай (Азербайжан) вичиз зурне ва кларнет ягъиз чирна. Ада музыка кюр акъатнавай чили яд хъиз кужумзавай. Рикливай члугур зегъметди хъсан бегъерни гуда. Агъмед халуди вичиз зурне, кфил, балабан, кларнет ягъиз, чи халкдин милли авазрикай лезет хкудиз чирна. Жегъил устлардин тариф куд патаз чклана. Ам хуьрера кыле физвай шад межлисрин багъа мугъмандиз элкъвена.



Идахъ галаз сад хъиз Агъмед халуди Эссендуки шегъерда курсар келна ва къанни вад йисуз «Къизил дере» участкада буровой мастер яз къвалахнай.

Вичин алакьунар къалурай Агъмед халу 1970-йисуз райондин художественный самодеятельностдин коллективдиз руководителвиле къабулна. 1966-йисуз райондин гъевескар артистрин дестедихъ галаз республикадин сегънедал экъечлай Агъмед халуди анжах виликди еримишна. СССР-дин, РФ-дин ва халкдин фольклордин международный фестивалрай, анжах къвенкъвечи чкаяр гваз хтана. Ик Сочидай столдин члехи сят (1978-йис), Кировобаддай гимидин сини (1979-йис), Орджоникидзедай электрикдин чайник, Москвадай твар къьенвай гъилин сят хканай.

Сифте нубатда жуван республикада, ахпа республикадилаи къаце кыле фидай фестивалрай иштиракдай ихтияр къазанмишна. Душанбедин фестивалдиз феийи стхяр тир Агъмед, Давуд ва Идаят Давудовар, Осман Магъамедрагъимов, стхяр тир Рагъимханни Нуьсрет галай дестеди милли алатралди тамамарай авазар тамашачийри еке ашкъидивди къабулна. Цлувад республикадай атанвай векилрин арада 1-чкадиз лайихлу хъана. Мад сеферда сегнедал эвер хгана къвачел къарагна гурлу капаралди рекъе хтунай. Залдай рекъе хтунайтлани, республикадай абур ахъай хъууначир, са шумуд юкьуз шегъерра, районар концерттар гуз амукънай.

На лугъуди адан уьмуьр сегънедал акъатна. Адаз табий тахъай алат, макъам, сегъне амукънач. Агъмед халу Дагъустан ва Азербайжан республикайрин «Культурадин лайихлу работник» тиварарин, шумудни са гъурметдин грамотайрин, дипломрин ва пишкешрин сагъиб я.

-Инсанди вичин уьмуьрда къвал эцигна, хва тербияламишна ва тар аклурна къанда, лугъуда халкдин мисалда. Агъмед халуди вичин уьмуьрда вад къвалер эцигна, рухваяр члехи авуна ва багълар кутуна. 2007-йисуз уьмуьрдин шартлар себеп яз абурун хизан Магъарамдухуьруьн райондин Къуйсунрин хуьруьз куьч хъана.

Агъмед халудин уьмуьрдин юлдаш Гуьлназани халкдин манияр лугъудай, амма хизан, дердияр къалин хъайила искусстводиз къуллугъдай вахт амукънач. Давудоврин хизанда тербиялу ругуд велед уьмуьрдин шегъередал акъудна. Агъмед халудин къвале музыкадин гзаф алатар – кфил, балабан, писпи, зурне, кларнет, далдам, члагъан, чунгуьр, гитара, балалайка ава. Веледрикай бубадин гелерай са Акиф фена. Ада хуьруьн художественный самодеятельностдин руководитель яз къвалахзава. Амай веледрини гьарда вичин рикл ацукъай алатрал макъамар тамамарзаватлани, члехи бубади хъиз сегъне муьтлюьгъардай гъевес абурухъ авач.

2001-йисуз Агъмед буба лайихлу пенсиядиз экъечлна. Яхцурни муьжуьд йисуз санал яшамиш жезвай уьмуьрдин юлдашни галаз хтулар тербияламишзава. Агъмед буба абур музыкадал, хайи ватандал рикл алай халис уьткъем дагъвийар яз тербияламишиз алахънава.

Хайи Ватандин, райондин, республикадин милли искусство вилик тухуник вичин лайихлу пай кутур, зурнедин сес дуьньядиз машгъур авур, агъзуралди шад межлисар гурлу авур, къенин юкьузни хуьруьн, райондин общественный уьмуьрда иштиракзавай уста Агъмедаз юкь агъузна икрам ийиз къанзава.

**А. АЙДЕМИРОВА.**

И макъала Н.Меликован макъала бинедиз къачуна гъазурна.



# УРУС РОБИНЗОН

**РОБИНЗОН** Крузодикай (адан чешне батмиш хъайи гимидай къутармиш хъайи матрос Александр Селкирхан я) гзафбуруз ван хъана. Амма Д. Дефодин машгъур роман тамамвилелди тикрарай дуьшуьшдикай хабар авай ксар жагъурун четин я.

1882- йисуз «Русская старина» журналдиз «урус Робинзонан» гъакъиндай писатель Александр Сибирякован макъала акъатна. Адан чешне Сергей Петрович Лисицын хъана. Ата бубайрилай дворянин, Императорский Санкт-Петербургский университетдин физико-математический факультет акъалтларай кас ва лейб-гвардиядин Гусарский полкунин корнет.



## ОТСТАВКАДА АВАЙ ДУЭЛЯНТ

**СИЛИСТРИДИН** патав женгина телеф хъайи урусрин армиядин офицердин хва Курский губерндин Сосновка мулкунал халади тербияламишнай. Ада университет математикадин илимрин кандидатдин дипломдалди акъалтларна. Амма преподавателвилини илимдин квалахди жегъил дворянин желбнач. Ам лейб-гвардиядин Гусарский полкуниз гъахъна. Меркездин гвардейчидин ишигълу уьмуьр полкунин адъютантдихъ галаз дуэлди туьхуьрна. Къве падни чан аламаз амукъна, амма гусар дамахлу партал чиновникдин сугъул чухвадалди эвез авуниз мажбур хъана. Адавай икI яргъалди эхиз хъанач. Ада Аляскадал яшаммиш жезвай мукъва касдин теклиф къабулна ва Америкадин континентдин къерехдал рекъе гъатна. 1847-йисан йикъарикай са юкъуз меркездин 24 йиса авай къиле гар авай жегъилди Андреевский

пайдахди лепе гузвай гимидин палубадал кам вегъена.

Отставкада авай корнет Лисицын офицердин кают-компанияда лап хушдиз къабулна. Амма гусар, отставкадани гусар я. Са сеферда мугъманди пиян гъалда аваз гимидин командирдиз чинал акъвазна эдебсуз ихтилатар авуна. Ам дустагъна. Вичин каютадай ада къаравул матросар бунт къарагъарун патал алакъариз хъана. Капитанди футфачи гъилер, кIвачер ва вилер кутлунна баябан къерел авудунин приказ гана.

## ЛАП ТЕКДИЗ

**ДУСТАГЪ** авунвайди кутлуннавай еперикай азад хъайила ада вилерал алай пек алудна ва адаз яргъай хъфизвай гими акуна. Чехи ва михи рикI авай капитанди адаз неинки парталар авай чемадана, гъакI пуд жуьт чекмеяр, чехи кIурт, пистолетар, шашка, къеме, шекер ва чай, къизилдин сят, акъалдай чуклул, пут сухарияр, эрекъ авай къве фляга, хъидай чарар, къейдер ийидай михи книжкаяр, чуру тва-

дай ва чай гъазурдай приборар, чахмахар, спичкаяр, карандашар, краскаяр, шикилар ядай чарар, кредитдин билетралди 2800 манат ва 200 гаванский сигар туна.

Алава яз лап хъсан тфенгни ва гимидин командирдин чарни авай: «Азиз Сергей Петрович! Гуьлерин уставдай квез къиникъин жаза гана кланзавай. Амма куь жегъилвал ва бажарагълувилер, къилинди, за къатлайвал, регъимлу рикI фикирда хъуна за квез уьмуьр пишкешзава... Зи мурад ялгъуз амукъуни ва дарвили куь бахтсуз къилих туьклуьр хъувун я. Вахтуни ва фикир авуни квез зи регъимлувилиз къимет гуз чирда. Эгер къисметди чун мад сад садал гъалтдайвал авуртIа, чун душманар яз дуьшуьш жедач. А.С.»

Дворянин Лисицына яшинда вичин гъилералди са карни авурди тушир: именияда адаз крепостнойри къуллугъзавай, полкуна-денщикди. Гими Охотский гуьляй физвайди чизвай адан умуд вич Алеутский ва я Курильский островрикай сана туник квай. Амма вичин

гъал лап чурузвайдан гъавурда ам фад акъуна. Ам къве гъульун арада къармахра гъатнавай. Адан вилик лепе гузвай къайи Охотское гъул квай, далудихъайни «тайгадин къацу гъульун» ван къачунвай. Ана-лагъайтла, север, жанавурар, машахар, агъу алай мурдарар... бул тир.

Са гъафтеда «урус Робинзона» вичиз пич авай квал тукълурна, ана герек шейэр расна. Цапан, чемерук ва хъелер тукълурна (тфенгдин патрумар къенят авун къатлана акъуллу карна). Хъуьтлуьз адан кваллиз жанавуррин гишин луж гъахъиз алахънатфенгдай 8 вагъши яна къена. Адалай вилик сев яна, вич чими клуртуналди ва яклалди таъминарна. Ада балугъар къаз, къарникъузар кватлиз ва къуруриз хъана.

Амма Пятница галачир Робинзон гъихътинди хъурай? 12- апрелдиз Сергей Лисицын гъульун къер тирвал къекъезвайла адаз чин кланикна къатканвай инсан акуна. Такъатсуз хъанвай ада са затни гъиссзавачир. Чир хъайивал, Василий (а касдин твар гъакл тир) Урус Америкадиз физвай транспортдай тир. Гимидиз яд къез башламишна, вири катна, амма Василийни адан хва рикледай алатна. Гими мукъувай жагъана. 16 йиса авай гададилай гъейри ана къве овчарка, кацер, холмогорский 8 кал, жунгав, 16 яц, 26 хеб, продуктин запасар, инструментар, мухван ва силин тумар, гъакл яракъар, телескоп, яргъаз килигдай къве труба, самовар, эцигунрин ва салан алатар авай.

Текдиз яшамиш хъайи ирид вацра «агъадин» дворянвилини такабурлувал гару тухвайди хъиз квахъна. Ихъ-

тин майишат ва мад къве жуьт мягъкем ва кар алакьдай гъилер хъайила, абуру гатуз неинки квал ва гъамам цийи хъууна, гъакл абуруз гъери, къаймах, ниси ва шур гъазуризни чир хъана. Чил цана ва муханни силин бегъерар кватина. Гъульун ва вацун балугъар булвилелди къуна. Къарникъузар, тамун емишар, хъчар кватлиз ва гъялиз башламишна. Са гафуналди, зегъметдин коммуна хъиз яшамиш хъана.

### ПИРАТАР ВА ВАГЪШИЯР

КОММУНАДАЛ Китайдин контрабандистар ара-ара гъужумар ийиз чалишмиш жезвай. Гимидай гъайи тупни герек атана. Са сеферда Охотский гулуьн и къерехъ урусрин флотдин гимияр атана. Абуру чир сергъятар теклиф тавунвай китайви мугъманрикай хуьн патал ракурнавайбуру тир. Урус морякри ина хуьр кутунвайбуруз китайвияр чукуриз куьмек гана.

1857-йисуз писатель Александр Сибиряков Приамурьедин цурцун ва къизилдин приискрин мугъмандал рикл алай иеси Сергей Лисицыназ мугъман хъана. Василий «Пятница» адахъ галамай. Адан хци Москвадин университетда клелзавай.

Петербургдай университетда Лисицынан гъисабдай са мус ятлани шулугъчи-гусар баябан къерел авудай гимидин командирдин къве хцини клелзавай. Девлетлу инсан хъайила, Сергей Петровича къуьзуь хъанвай капитан жагъурна, ам эхиримжи рекъиз рекъе туна ва адан аялин гъакъиндай вири къайгъуяр вичин хивез къачуна.

«Урус Робинзонан» тарих литературадиндалай девлетлуз акъалтина. Ва инсанвилелди.

Газетдиз гъазурайди-  
Ф.ГЪАЖИЕВ.

## ВОЕННЫЙ ПРОКУРОР РАЗЪЯСНЯЕТ

«СОГЛАСНО Приказа Министра обороны РФ от 17 июля 2015 г. № 333 «О мерах по реализации в Вооруженных Силах РФ обзаца третьего пункта 1 статьи 23 Федерального закона от 27 мая 1998 г. № 76 ФЗ «О статусе военнослужащих» установлен порядок уведомления военнослужащих-граждан России, общая продолжительность военной службы которых составляет 10 лет и более, подлежащих увольнению с военной службы по достижении ими предельного возраста пребывания на военной службе, состоянию здоровья или в связи с организационно-штатными мероприятиями, и состоящих на учете в качестве нуждающихся в жилых помещениях, о готовности предоставить им жилое помещение или жилищную субсидию для приобретения или строительства жилого помещения (жилых помещений)».

**315 военная  
прокуратура  
гарнизона.**

# ОПЕРАЦИЯ «ОТОПЛЕНИЕ»

**ЗА ИСТЕКШИЙ период 2015 года на территории РД зарегистрировано всего 625 пожаров, за аналогичный период прошлого года 631, материальный ущерб от них составил 73 млн. 793 тыс. руб., за АППГ – 75 млн. 613 тыс. руб.**

**За 9 месяцев 2015 года, в республике произошло 11 пожаров, на которых погибло 12 человек, из них 1 ребенок.**

АНАЛИЗ причин возникновения, хода развития и последствий пожаров говорит о негативном и пассивном отношении населения к проблемам пожарной безопасности, недостаточной компетентности руководителей организаций и их сотрудников в этих вопросах. Во многом, именно такое отношение приводит к трагическим последствиям, которых могло и не быть. Люди остаются, в прямом смысле, без крыши над головой: полностью сгорает домашнее имущество, члены семей, особенно дети, получают многочисленные травмы, ожоги, увечья. Большое значение вопросы пожарной безопасности приобретают с наступлением осенне-зимнего периода при понижении климатической температуры. Согласно статистическим данным распространенные причины пожаров следующие:

1. не перегружайте электросеть, включая одновременно слишком много электроприборов, не включайте все ваши приборы в одну розетку, не оставляйте электробытовые приборы включенными в сеть в течение

длительного времени!

2. Любой электроприбор, провод или включатель рассчитан на определенную силу тока. Если сила тока выше нормы, происходит нагрев провода, образование электрических дуг с повышением температуры до 3000 градусов и разброс горящего металла. Этого можно избежать, если:

При пользовании дополнительными электрообогревателями необходимо соблюдать осторожность:

- не следует располагать их вблизи легко воспламеняющихся предметов (занавесок, покрывал и т.п.), никогда не оставляйте включенными электрообогреватели без присмотра, не допускайте их перегрева

3. Оставленные без присмотра взрослые дети, часто становятся виновниками пожаров, детские пожароопасные игры могут закончиться трагически:

- не оставляйте малолетних детей наедине с включенными электро – и отопительными приборами, не доверяйте им присмотр за топящимися печами, убирайте спички и зажигалки в недоступные для детей места!

Как следствии, полюбившийся детям и взрослым пиротехнические изделия приносят много бед, очень часто они становятся причиной человеческих травм и увечий и возникновения пожаров

4. Неосторожное обращение с огнем является распространенной причиной возникновения пожаров:

- не курите лежа в постели, ведь эта сигарета может стать для Вас последней;

5. Пожары от печей и ды-

моходов возникает из-за воспламенения сажи, через трещины огонь может распространиться по всему дому:

- поэтому необходимо не реже двух раз в год прочищать печные трубы!

Вполне определенно можно говорить о том, что подавляющая часть населения плохо знакома с проблемами пожарной безопасности, плохо представляет необходимость проведения мероприятий в области профилактики пожаров и не готова к выполнению своих обязанностей во время пожара.

**ВАЖНАЯ  
ИНФОРМАЦИЯ:  
способы набора «Службы 01 МЧС России в Магарамкентском районе 887-269-22-407 или 887-269-01-000**

## ПОЛЬЗОВАТЕЛЯМ:

**компаний «Мегафон» и «МТС» - набирать номер 010,**

**компании «Билайн» - набирать номер 001.**

**Набрав номер, нужно кратко сообщить следующее:**

- причину вызова (пожар, несчастный случай, запах газа и т.п.);

- точный адрес (улица, номер дома, квартиры, этаж, подъезд, код);

- Ваша фамилия и номер телефона;

- запишите или запомните фамилию дежурного диспетчера.

**3. ВЕЛИМУРАДОВ,  
начальник ОНД  
по Магарамкентскому  
району**





# Дуьньядилаь цлар илитна



*СЕРБИЯДА Дрина вацла авай са гэвечли островдал дуьньяда виридалайни аламатдин имарат ала- рагал эцигнавай квал. Адан исятдан иесиди тестикъарзавайвал, чуьнуьх жедай и квал ада ва адан юлдашри гьеле 1968- йисуз эцигна.*

## ВАХТУНАЛДИ КЪАДАГЪА ЭЦИГНАВА

СИНАЙСКИЙ полуостровдал Россиядин самолет аватун «Египетдин махсус къуллугърин хавинвили» арадал гъана. Гъавилляй Египетдиз лув гунал яргал вахтунда къадагъа эцигда ва и кар белки маса терефрихъни гегеншарун мумкин я. Идан гъакъиндай 10-ноябрдиз «Коммерсантди», государстводин къурулушра авай чешмейрал асаслу хъана, кхъена.

«Ана вуч хъанатлани, им абурун еке тахсиркарвал я», - малумарна чешмеди. Алай вахтунда газетдин малуматрал асаслу яз, «Когалымавиадин» А321 самолет цавуз хкаж жедалди малум тушир себебрал асаслу яз, адаз къерехдин ксар ахъайна.

«Коммерсантди» гъак, гьукматдин аппаратда авай чешмедал асаслу хъана, хабар гузвайвал, Египетдиз лув гунрал «Йисаралди» къадагъа эцигун мумкин я. Гъа са вахтунда га-

зетдин суьгьбетчидин гафаралди, идаз ухшар авай сергьятламишунар эцигун желегеда « маса уьлквейризни талукъ жеда ».

Россиядин Президент Владимир Путина 8-ноябрдиз Египетдихъ галаз вахтуналди авиалакъа акъвазарунин гъакъиндай указдал къул члугуна. Аниз лув гунар 6- ноябрдиз и серенжем ФСБ-дин директор Александр Бортникова теклифайдалай гуьгъуьниз акъвазарнай.

## КЪАД ЙИСАЛАЙ ЖАГЪУН ХЪУВУНА

КВАХЪАЙДАЛАЙ гуьгъуьниз 20 йис алатайла, Испаниядин духтур Италиядин Тосканадин тамай сагъсаламат яз жагъун хъувуна. Идан гъакъиндай Британиядин Ske News телекомпанияди хабар гузва.

Къве гъафте идалай вилик 47 йис хъанвай Карлос Санчес Ортис де Салазар къарникъузар кватъавай къве касдал «чин къацанваз ва зурба чуру кваз» гьалтна.

«Зун испанви я,зи тIвар Карлос я, зун ина 1997- йисалай яшамеш жезва», - лагъана ада ва вичин паспорт къалурна. Духтурди гъавурдик кутурвал, адаз инсанрин арада яшамеш жез клан хъанач, амма исятда адаз тамай экъечIдай къаст ава.

Салазар жагъуриз Тосканадин испанвидин хизан атана, амма ам мад квахъна. Паспортта авай шикилдиз килигайла, диде-бубади ам чпин хва тирди тестикъарна. «Чна адаз азадвал клан хъуниз са манивални гузвач, амма ам мад сеферда къужахламишдалди, гъатта им эхиримжи сефер хъайитлани, чун инай хъфидач», - лагъана адан дидеди.

Итим 1995- йисуз Севильяда авай вичин кIвалляй экъечIна ва Тосканадин Маремма областдиз рекъе гъатна. Винидихъ тIвар къунвай телеканалди фикирзавайвал, и кар ада гуьгъуьл чIур хъанвайвилляй авуна.

14 йис алатайла, духтур къенвайди яз официалнидаказ малумарна, гъикI лагъайтIа, ам авай чкадин гъакъиндай са жуьрединни делилар авачир.

КОНКУРС

# «Дагъустандин малим- 2016»



Цийи хуьруьн СОШ-дин аялри чпин устадвал къалурзава.

2 ←

Ф.Эседуллаевадин тарсар методикадин рекъай дуьз ва чехи интерес аваз кыле фена. Математикадин малим

Д. Абдурашидовади аялар клан хьун, гьакI вичин пешедал ашукьвал къалурна. Самурдин СОШ-дин урус чIалан малим Аида Казимовадин тарс иллаки хъсандиз кыле фена.

Эхирдай вири иштиракчийри 10-15 декъикада чпин кIвалахдин тежрибадай журидин вилик информация авуна. Гьарда вичин тежрибадин къайда, асул тегьер ачухна.

Инал чна конкурсда гьалиб хъайибур малумарна, къейдна эхирдай Исмаил малимди. -Амма са кар заз тикрариз кланзава: кье куь арада магълуб хъайибур авач. Квекай гьар садан тежриба дериндай чирда ва ам раиж ийида. Квехъ мягкем сагъвал, акьалтзавай несилдиз чирвилер ва тербия гунин карда мадни чехи агалкьунар хъурай.

Газетдиз гъазурайди-  
**Ф. ГЪАЖИЕВ.**

КЪАПИРКЪАЗМАЙРИН ШКОЛАДА

## КЪИЗИЛДИН ЗУЛ

31-ОКТАБРДИЗ «Къизилдин зул» кыле тухвана. И сувар школьникри гьар йисуз къарайсуз гуьзлемеишзава. КIелзавайбуру «Зулун савкъватар», «Зулун ханум», «Лап хъсан мани», «Лап хъсан къуьл», «Лап хъсан цлан газет» номинацийрай чпин алакьунар къалурна. Журиди аялрин алакьунриз кьимет гана.

## АЯЛРИ УСТАДВАЛ КЪАЛУРНА

ШКОЛАДА 7-9-классра кIелзавайбурун арада английский чIалай классдилай къецяй тир серенжем кыле фена. Кье дестедиз пай хъана аялри чпин устадвал къалурна. Шиирар кIелдайбурун, къариб парталрин, цлан газетрин конкурсар кыле фена.

«Самурдин сес» газетдин ва ООО «Самур» типографиядин работникри чехи диде

### АЙИШАТ

кечмиш хьунихъ галаз алакьалу яз Абу-муслим Исмаиловаз, адан хизандиз ва мукьва-къилийриз, дериндай хажалат чIугуналди башсагълугъвал гузва.

Къилин редактор  
**А. ИСМАИЛОВ.**

Тешкилайди: «Магъарамдхуьруьн район» МР-дин администрация.  
Адрес: 368780, РД, Магъарамдхуьруьн район, Магъарамдхуьр, Гагаринан куьче, 2.

Редакциядин адрес:  
368780. РД, Магъарамдхуьруьн район, Магъарамдхуьр, Ленинан куьче, 4.

Газет РД-дин массовый информациядин такьатрин ва печатдин гьакьиндай РФ-дин законодательстводал амал авунал гуьзчивал ва регистрация ийидай Региональный Управлениеди регистрация авуна. № Д-0174, 1996- йисан 10- июль.

**Чап ийиз вахкудай вахт - 16.00.**  
**Чапун патал къул чIугуна- 15.00.**

Газет ООО «Самур» типографияда гъазурна ва гъана чапна. Издателдин адрес: 368780. РД, Магъарамдхуьруьн район, Магъарамдхуьр, Ленинан куьче, 4. Лезги чIал.

Телефонар: редактор- 25-1-37, жавабдар секретарь - 25-1-39, бухгалтер-25-9-69.

Индекс 63340. Тираж 1317.  
Заказ № 49.

6+